



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De  
Contractibus


**Antoine, Paul-Gabriel**

**Ingolstadii, MDCCXXXIII.**

**VD18 90392159**

Cap. I. De Natura, divisione, & effectu Contractūs.

**urn:nbn:de:hbz:466:1-40993**



# TRACTATUS DE CONTRACTIBUS. PARS PRIMA.

De Contractibus in genere.

## CAPUT PRIMUM.

De Natura, divisione, & effectu  
Contractus.

Q. I. Quid est Contractus?

Resp. **Q** Contractus latè sumptus idem est ac Pactum, quod L. i. ff. de Pact. definitur: *duorum, pluriumve in idem placitum consensu, obligationem scilicet pariens, vel in utraque parte, ut venditio, vel saltem in una, ut promissio gratuita acceptata.* Contractus strictè sumptus est pactum obligationem mutuam inducens: sive est duorum, vel plurium in idem consensu ac Conventio, obligationem mutuam pariens, ex L. 19. ff. de Verb. Signi.

ubi

ubi dicitur esse *ultra citroquē obligatio.* Hinc contractus strictè sumptus differt à pacto, quod hoc præscindat à mutua obligatione, ille verò semper mutuam inducat.

**Q. 2. Quenam requiruntur ad valorem Contractus?**

**Resp.** Quatuor 1. *Habilitas personarum ad contrahendum.* 2. *Capacitas rei, ut contractui subjiciatur.* 3. *Consensus mutuus, & quidem signo externo expressus;* nam per contractum homo homini obligatur more humano, qui est ut signo sensibili explicet alteri consensum internum, qui ab eo acceptetur. 4. *Forma substantialis à jure præscripta,* si aliqua sit constituta: nam nulla res potest subsistere sine sua forma substantiali: alioquin illa forma simul esset substantialis, & non esset.

**Q. 3. Quomodo dividuntur Contractus?**

**Resp.** Dividuntur 1. *In formalem, seu expressum, & virtualem, seu implicitum.* Contractus formalis, seu explicitus est ille, quo duo, vel plures expressè conveniunt de eadem re cum obligatione mutua, vel saltem unius erga alterum. Contractus virtualis, seu quasi contractus est, cùm tacitè suscipitur obligatio Justitiae ex facto aliquo licto, v.g. absentis negotiorum gestione, hæreditatis aditione,

Bb 2

vel

vel ex acceptione officii, aut munieris absque  
ulla expressa pactione, qualem obligationem  
in se recipiunt Princeps, Magistratus, Prælatus,  
Tutor, negotiorum Gestor, Medicus, Advo-  
catus, Administrator, Artifex, &c. Qui enim  
officium ad aliorum commodum spectans  
suscepit, eo ipso se obligat ad procurandum  
bonum alterius, in cuius gratiam exerce-  
tur; & sæpè alter obligatur vicissim erga  
illum vi legis, aut consuetudinis, aut pacti sal-  
tem impliciti. Iste Conventiones tacitæ vo-  
cantur quasi contractus, eorumque vim ha-  
bent in ordine ad obligandum ex Justitia.

2. In nominatum, & innominatum. Con-  
tractus nominatus est, qui nomen proprium  
habet, ut emptio, locatio, &c. Innominatus  
est, qui tantum habet genericum nomen: ut  
pacti, contractus: hujus sunt quatuor species  
scilicet, *do ut des*, *do ut facias*, *facio ut des*, *facio  
ut facias*. L. 5. ff. de Præscrip. verb.

3. In gratuitum, & onerosum. Gratuitus  
est ille, in quo nihil rependitur, seu in quo  
nullum intercedit pretium, aut merces, ut  
commodatum mutuum, &c. Onerosus est  
in quo aliquid rependitur, seu in quo dans ac-  
cipit pretium, aut mercedem, ut emptio, loca-  
tio, &c.

4. In contractum bonæ Fidei, & stricti juris.  
Contractus bonæ Fidei dicuntur ii, in quibus  
servari debet non solum id, de quo conven-  
tum est, sed etiam id, quod æquum bonumque  
judi-

judici videtur, quamvis non sit expressum in contractu: quia in iis bona fides spectatur in ordine ad aliquid vel restituendum, vel reficiendum, vel compensandum, vel praestandum; tales sunt emptio, venditio, locatio, conductio, depositum, commodatum, mandatum, societas, pignus, permutatio. Contractus stricti juris sunt ii, in quibus agitur in rigore verborum, seu juris scripti, prout scilicet in contractu, vel dispositione fuit expressum, & de quo conventum est: tales sunt mutuum, stipulatio, donatio, promissio liberalis, legatum, testamentum, emphyteusis, &c.

5. In nudum, & vestitum. Nudus est mera conventio carens firmamento, quo pariat actionem in foro externo: talis est contractus omnis innominatus antequam sit ex altera parte impletus, nisi accedit formula stipulationis, vel juramentum. Vestitus est conventio innixa aliquo firmamento, vi cuius pariat actionem civilem, qualia sunt scriptura, testes, juramentum.

6. In eos, qui re, seu traditione rei perficiuntur, ut mutuum, commodatum, precarium, depositum, pignus. Et in eos, qui solo consensu perficiuntur, cujusmodi sunt emptio, venditio, locatio, conductio, societas, mandatum, emphyteusis, &c.

7. Demum in purum, cui nullum additur accidens, hoc est, qui sit sine conditione, modo, sine solutione ad diem, &c. Et non pa-

rum, cui additur accidens; & hic quintuplex est. 1. Dicitur ad diem, cum præfigitur dies, ante quem non oriatur obligatio solvendi, vel tradendi, aut actio. 2. Sub modo cum additur modus sub quo contractus obliget, v.g. dono tibi hunc equum cum hac obligatione, ut loces domum tuam Titio. 3. Ad causam, cum sit ob aliquam causam. 4. Ad demonstrationem, cum apponitur aliquod signum ad rem, vel personam ostendendam. 5. Sub conditione, cum apponitur aliqua conditio.

**Q. 3. Quænam est materia Contractuum?**

**Resp.** Omnia bona, quorum quis, & dominium, & administrationem habet: nam bona illa possunt transferri in dominium, & administrationem, vel usum alterius.

**Q. 4. An omnis contractus obligat in conscientia?**

**Not.** 1. Effectus contractus est obligatio, quæ definitur, Juris vinculum, quo astringimur ad aliquid dandum, aut faciendum, aut patiendum, vel non dandum, aut non faciendum. Triplex est obligatio. 1. Merè naturalis, quæ nascitur ex solo Jure naturali, & semper obligat in conscientia, sed non parit actionem in foro externo. 2. Merè civilis, quæ parit actionem in foro externo, ob aliquam præsumptionem falsam, sed non obligat in con-

conscientia. 3. Mixta, quæ & obligat in conscientia, & parit actionem in foro externo.

*Not.* 2. Contractus solubilis potest ex mutuo contrahentium consensu dissolvi, L. 35. ff. de Reg. Jur. quia uterque contrahens potest cedere Jure suo. Unus tamen obligatus non potest seorsim ab alio resilire, l. 5. Cod. de Obligat. nam alter habet jus in illum vi contractus.

*Resp.* Omne pactum validum etiam nudum, parit obligationem in conscientia, licet in foro externo non tribuat actionem, nisi juramento confirmetur. *Est communis.* Quia 1. ad tallem obligationem, supposita materiæ capacitate, & personarum habilitate, ex natura rei sufficit consensus mutuus signo externo declaratus; nam per illum datur alteruiri, vel utriusque jus aliquod, quod violare non licet. Nec plus Jure gentium requiritur. *Quid enim tam congruum Fidei humanae, quam ea, quæ inter eos placuerunt, servare?* L. 1. ff. de Pact. 2. cap. 1. de Pactis, generaliter deciditur pacta esse custodienda, & ad id pacientes censuram compellendos. 3. Lex divina etiam naturalis obligat ad servandam fidem datam; eamque fallere intrinsecè malum est. 4. Alioqui periret bona fides, sine qua stare nequit societas humana.

Dixi, *validum*, nam omnis contractus Jure positivo absolute irritus nullam parit obligationem in conscientia: quia revera nullus

Bb 4 est;

est; & perinde se habet, ac si factus non esset, cùm annulatus sit per legitimam potestatem, cui voluntates, & bona subditorum subjiciuntur. Quòd si contractus non sit ipso facto iuritus, sed tantum irritandus, obligat in conscientia, donec à judice irriretur.

**Q. 5.** *An qui habuit animum contrahendi, sed cum voluntate expressa non se obligandi, manet obligatus?*

**Resp.** Si voluntas contrahendi prævaleat voluntati non se obligandi, sítque magis efficax, & absoluta, tunc verè obligatur; nam tunc fit verus contractus, qui necessariò patit obligationem; si verò posterior voluntas prævaleat priori, vel utraque sit æqualis, tunc nullus est contractus; quia deest voluntas efficax verè contrahendi, cùm essentiale sit contractui inducere obligationem. Sed tunc ratione injuriæ, qua iniuste proximum tecum bona fide contrahentem decepisti, teneris præstare id, quod ei exterius promisisti: nam teneris tollere injustam deceptionem, habendo voluntatem veram te obligandi, & eam implere, si alter velit.

**Q. 6.** *An contractus sine solemnitatibus à jure requisitis factus ligat conscientiam?*

**Not.** Solemnitates sunt quidam ritus, seu con-

conditiones, quæ secundum leges in contractibus adhiberi debent, v. g. certus numerus testium, &c.

*Resp.* Contractus defectu solemnitatis Jure positivo invalidus non obligat in conscientia, & nullus est in utroque foro: quia est sufficiens potestas in Ecclesia, & in Rep. ad invalidandos actus subditorum, & ad prescribendam formam in contractibus, qua sublata non obligent; nam hæc potestas valde expedit, immo necessaria est ad bonum commune, & ad rectam administrationem; & voluntas, ac bona subditorum subjiciuntur potestati legislativæ in ordine ad bonum commune, & rectam illorum gubernationem. Patetque ex praxi, v. g. in matrimonio clandestino, in contractu pupilli sine tutoris auctoritate, &c.

Cognoscitur autem contractum esse invalidum vel ex verbis legis, aut consuetudine, vel si judici constaret nullam in eo esse fraudem, & tamen censeretur nullus.

Observa 1. in omni contractu servari debent leges, ac consuetudines loci, in quo fit, ex cap. ult. *de foro compet.* & l. 6. ff. *de evict.* 2. In contractu apponi possunt onera, & obligationes ei ex naturarei non annexa, modò non repugnant naturæ talis contractus, nec lege prohibeantur: quia quisque potest Jure suo cedere, & se obligare ad id ad quod alias non tenetur. Sed debent onera illa compensari,

Bb 5

cum

cum sint pretio æstimabilia: alias non servetur æqualitas. Apposita autem impleri debent ex justitia, juxta reg. 85. Jur. in 6. *Contractus ex conventione legem accipere dignoscuntur, & l. 1. ff. depos.* 3. Non omnis contractus factus contra legem est invalidus, nam multa fieri prohibentur, quæ facta tenent, ut constat ex Jure: sic valet venditio rei jam alteri venditæ, sed nondum traditæ, quamvis sit illicita.

*Q. 7. An contractus invalidus firmatur juramento, & obligat ex justitia?*

*Not.* 1. Aliud est juramentum esse validum, & aliud contractum juramento firmari. Juramentum est præcisè validum, quando servari debet ob honorem Dei adducti in testem, quamvis per illud nullum jus acquirat is, in cuius favorem factum est: unde induerit soliam obligationem religionis, quæ tota recipit Deum, nec transfit ad hæredes, utpote personalis, tolliturque Juramenti relaxatione. Juramentum verò firmat contractum, quando validum contractum efficit, ideoque non solum inducit obligationem religionis, sed etiam Justinæ, & jus tribuit alteri. Unde obtenta Juramenti relaxatione, remanet obligatio Justitiæ orta ex contractu valido, quæ transfit ad hæredes, utpote realis, ex l. 8. ff. de peric. & commodo rei venditæ.

*Not.*

*Not. 2.* Juramentum sive firmet contractum sive non, est validum, & obligat, quando potest servari sine peccato, & damno alterius, ex cap. 8. & 28. de *Jurejur.* quia reverentia Deo debita id exigit, ne Deus, quantum in nobis est, reddatur testis falsitatis.

*Resp. I.* Ex communi, contractus vi, metu injusto, vel dolo extortus, vel injuriam continens ex parte illius, cui juratur, non firmatur Juramento, ita ut rescindi non possit, ex cap. 28. de *Jurejur.* quia qui injuriam intulit, teneatur Jure naturae eam resarcire, & restituere alium in priorem statum, ac libertatem; ideoque remittere Jus ex promissione acquisitum, si quod sit. Unde talis non habet jus firmum, & irrevocabile, Juramentum enim non tollit injuriam acceptam; sed jurans potest ob injuriam acceptam petere, & obtinere relaxationem Juramenti, qua obtenta cessat omnis obligatio. Hinc quamvis usuræ juratae solvi debeant ex obligatione religionis, cap. 6. de *Jurejur.* cum licet solvi possint: tamen promissio illas solvendi non firmatur Juramento, nec usurarius Jus ullum ad illas acquirit, sed teneatur solutas restituere, ex cap. 6. idem dic de promissione facta furi ex metu ab eo injuste incusso.

*Resp. II.* Contractus Jure naturali invalidi non firmantur Juramento. Patet, nam Juramentum non mutat naturam illorum, nec potest

test supplere defecatum substantialem, propter quem sunt irriti.

*Resp. III.* Contractus solo Jure positivo irritus non firmatur Juramento, si irritatio facta sit immediatè, & principaliter propter bonum commune. *Est communis.* Prob. tum ex cap. 12. de Foro compet. ubi dicitur Clericus non posse etiam cum Juramento renunciare privilegio fori, cum hoc principaliter concessum sit ordini, & statui Clericorum, & Juri, se beneficio publico privatorum pactio derogare non possit: tum quia tunc eo ipso contractus est in detrimentum communitatis, ac proinde res promissa non potest licite praestari: & sic Juramentum nullius roboris est, ex cap. 28. de Jurejur.

Si vero irritatio facta sit immediatè, ac principaliter propter utilitatem privatam contrahentium, tunc juxta multos contractus Juramento firmatur, modò absit in iustitia ex parte illius, cui juratur. *Quia I.* tales contractus accedente Juramento transferunt dominium, & dant actionem, tum ex Jure civili, L. Sacra menta, cod. si adversus vendit. ibi: *Sacramenta puberum sponte facta super contractibus rerum suarum non retractandis inviolabiliter custodian tur:* tum ex Jure canonico, c. 2. de Pact. in 6. & ex c. 28. de Jurejur. ubi Pontifex declarat contractum, quo uxor consentit in alienationem fundi dotalis, qui Jure positivo irritus est, servari debere, si accesserit juramentum sine

sine vi, & dolo præstitum. Igitur cùm iusta  
tunc negent jūs rēpetendi, & reclamandi,  
quod concedunt quando juramentum dolo,  
vel metu, extortum est, agnoscunt Jūs Justitiae  
tunc oriri, & volunt valere contractum ob re-  
verentiam juramenti. 2. Quisque potest renun-  
ciare favori pro se directe introducto per  
legem, nisi ob aliquam causam id prohibeatur:  
licet enim cedere juri & bono privato,  
cujus domini sumus. Ergo posita tali renun-  
ciatione, perinde est ac si non esset Jūs positivum:  
at Jure positivo secluso contractus illi  
sunt ex natura sua firmi, & validi, ideoque  
perinde obligant ex Justitia, ac si per leges non  
fuissent irritati.

Si tamen legislator ita irritaret contractum,  
ut nullam vim habere vellet in conscientia,  
quantumvis contrahentes velint, tunc non fir-  
mabitur Juramento: quia subditus non po-  
test derogare potestati, ac voluntati legislato-  
ris; & Juramentum, cùm sit accessorium con-  
tractui, non potest facere, ut id, quod non est,  
valeat.

*Q. 8. An, & quomodo obligant contractus ad  
diem, sub modo, ad causam, & ad demon-  
strationem?*

*Resp. I.* Contractus ad diem, inducit statim  
obligationem, quam tamen debitor non tene-  
tur completere ante diem præfinitum. Con-  
tractus

prop-  
tivo ir-  
o facta  
bonum  
ex cap.  
is non  
e privi-  
cessum  
seube-  
rogare  
ractus  
roinde  
; & sic  
ap. 28.

c prin-  
contra-  
s Jura-  
e parte  
ractus  
nium,  
Sacra-  
menta  
rerum  
idian-  
. in 6.  
clarat  
natio-  
rritus  
ntum  
sine

tractus verò ad diem incertum, v. g. cùm nupseris, cùm navis ex Indiis venerit, suspendit consensum, & obligationem, nam resolvitur in conditionalem, v. g. si nupseris, &c. L. I. ff. de condit. Et demonst.

*Resp. II.* Contractus, Sub modo obligat statim nec irritus est, etiamsi modus non impletatur, nisi appositus sit sub annulatione donationis, vel legati. Nam modus dispositionem perfectam supponit, & consequitur, non autem illam suspendit; in quo differt à conditione: modus enim est quoddam onus adjectum dispositioni, quo alter gravatur ad aliquid præstandum. Est tamen gravis obligatio ex Justitia talesmodum præstandi.

*Resp. III.* Contractus seu dispositio facta ad causam, nulla est, si causa finalis non subsistat; quia non est voluntas dandi, seu alienandi, nisi sub conditione, si causa finalis subsistat; & sublatâ causâ volendi non est volitio. Hinc res data ob causam retineri non potest causâ non subsecutâ. At valet dispositio, si sola causa impulsiva deficiat: quia dispositio non fit sub conditione illius, & subsistente motivo principali, ac finali volendi, subsistit dispositio.

*Resp. IV.* Error, seu falsitas in demonstratione, non vitiat contractum, seu dispositiōnem, modò demonstratio non apponatur per modum conditionis, nec error sit circa substantiam rei, contractū, seu personæ: nam talis error non tollit consensum circa substantia-

tialia,

talia. Idem dic, quando constat de re, & persona, cui dispositio fit, l. 17. & 33. ff. de condit. *E*demonst. quia demonstratio fit ad peculiari-  
ter indicandam rem, de qua fit dispositio, &  
personam, cui fit: quare si aliunde de utraque  
constet, non obserit falsitas. Hinc valet hæc  
dispositio: dono, vel lego Titio equum me-  
um, quem emi Parisiis, licet alibi emerim, vel  
prædium propè urbem situm constans quin-  
quaginta jugeribus, licet non tot constet. At  
dum res, quæ demonstratur, non existit, nulla  
est dispositio defectu materiæ; ut si dicas: do-  
no, vel lego Titio pecuniam, quam in tali loco  
habeo, cum ibi nullam habeas.

Q. 9. *Ad quid obligat contractus alternativus,  
seu sub disjunctione?*

*Resp. I.* Si disjunctio cadat in res diversæ  
speciei, v. g. promitto tibi bovem, vel equum,  
ambæ manent sub obligatione, sed disjunctivæ  
pro arbitrio promissoris, ex l. 10. ff. de Jure  
dotium, & reg. 70. Jur. in 6. ibi: *in alternativis  
debitoris est electio: E*sufficit alterum adimpleri.  
Una autem pereunte tenetur promissor dare,  
quæ superest, nec sufficit dare pretium rei de-  
structæ, modò creditoris culpâ non perierit.  
Si autem alternativa detur in res ejusdem spe-  
ciei, seu quæ differunt solum secundum plus,  
& minus, v. g. centum, vel quinquaginta au-  
reos, aut in tempus, v. g. post annum, vel  
bien-

biennium, debetur solum id, quod minus est, l. 109. ff. de verbis. obhg. ibi: si ita stipulatus fuero, decem, aut quindecim dabis? decem debentur. Item si ita, post annum aut biennium dabis? post biennium dabis. Quia in stipulationibus id servatur, ut quod minus esset, quodque longius esse videretur in obligationem deductum.

Hinc si per errorem maius datum fuit, restituvi debet. Si vero disjunctio cadat in personas, v. g. si dones centum Petro vel Paulo, debentur quinquaginta utrique ex jure novo, L. 4. cod. de verb. & rer. signif.

**Q. 10. An, & quando contractus sub conditione valet, & obligat?**

**Resp. I.** Contractus seu dispositio sub conditione de praesenti vel praeterito, valet, & obligat statim, si conditio extat, vel extitit. Ita omnes. ex l. 37. ff. de rebus credit. quia positâ conditione dispositio transit in absolutam, & ei æquivalet: nam ponitur consensus, qui minime suspensus est. Idem docet communis sententia, si conditio sit de eo, quod necessario futurum est, l. 9. ff. de novat, quia (ut ait S. Thom. in 4. dist. 29. a. 3.) talia futura jam sunt praesentia in suis causis, & jam in praesenti verum est, quod hoc futurum sit, ac proinde conditio censetur praesens: ut do, vendo tibi, si es moritus, si sol cras oriatur. Si autem conditio de praesenti, vel praeterito non est, nec

est, nec fuit posita, juxta omnes non valet contractus, *Instit. de verbor. oblig.* quia non datur consensus nisi dependenter ab illa conditione posita, qua proinde deficiente, non est consensus. Hinc non posita conditione nulla est hæc donatio: dono tibi hunc equum, si negotium meum fideliter gessisti, dum hoc falso sum est.

*Resp. II.* Si conditio honesta, & possibilis sit defuturo contingentib[us] libero, contractus non obligat ad præstandam rem promissam ante impletam conditionem. *Ita omnes.* Quia disponens sub conditione non intendit se obligare, nec disponere nisi illâ positâ. Non potest tamen resilire ante tempus præfinitum, sed tenetur conditionis eventum expectare: nam conventio ad hoc statim obligat absolute, & in hoc videntur omnes convenire, inquit De Lugo. Quod si impedit conditionem, nihilominus alteri obligatur, ex l. 85. ff. *de verbor. oblig.* & ex Reg. Jur. 66. in 6. ibi: cum non stat per eum, ad quem pertinet quo minus conditio impleatur, haberi debet perinde, ac si impleta fuisset. Si vero conditio suo tempore impleatur, contractus juxta multos obligat jam absolute sine novo consensu, ex l. 11. ff. *Qui potiores. in pign. & ex l. 7. de contrah. empt.* ibi: *conditionales venditiones tunc perficiuntur;* cum impleta fuerit conditio. nam tunc ponitur id, quo posito quis priùs voluit obligari ac disponere. Si tamen in contractu matrimonii,

*Tom. II.*

*Cc*

*& in*

& in aliis, qui non solo consensu, sed traditione persicuntur, consensus ante conditionem impletam revocatus sit, non valebunt sine novo consensu: quia traditio fieri nequit sine consensu ejus, qui rem traditurus est, & consensus ante conditionis eventum revocatus est, ideoque jam non permanet moraliter. *De Lugo.* Si autem conditio non fuerit posita tempore praefinito, contractus jam non obligat, & in irritum recidit: quia contrahens sub conditione, non intendit se obligare, & disponere illa non positâ. Dispositio autem prudens ex hominis libera voluntate, non aliter obligat, quam disponens intendit.

Porro sola conditio expressa reddit contractum; ac dispositionem conditionalem, non autem tacita, & quæ est intrinseca contractui, ex l. 99. ff. de Condit. & Demonst. unde tacita non suspendit obligationem.

*Resp. III.* Conditio impossibilis invalidat contractum, & dispositionem, exceptis matrimonio, & dispositionibus ultimæ voluntatis ex l. 31. ff. de oblig. & act. & ex instit. Quia contrahens sub conditione non vult obligari ac disponere nisi ea conditione posita: cum autem conditio impossibilis nequeat ponni, nunquam ipse poterit obligari, & sic voluntas non potest efficaciter tendere in obligationem sub conditione, quæ apprehenditur ut impossibilis. Idem dic si conditio sit de re illicita facienda: tum quia in jure conditio turpis

pis habetur impossibilis, cùm illud solum legitime possimus, quod licet possumus: tum quia nemo potest obligari ad peccandum, & ad id præstandum, quod per se inducit, & allicit alium ad peccandum: idem est, si conditio sit contra substantiam contractus: nam impedit consensum substantialem in ipsum contractum.

Excepi 1. Matrimonium, quia c. ult. de condit. Greg. IX. statuit, *ut conditiones apposita in matrimonio, si turpes, aut impossibiles fuerint, debeant propter ejus favorem pro non adjectis haberi.* Ergo illis non obstantibus valet matrimonium secundum præsumptionem fori externi supponentis tales conditiones non serio adjici. Valet etiam in foro interno, si contrahentes habeant intentionem generalem contrahendi secundum leges Ecclesiæ prævalentem alterius intentioni particulari.

Excepi 2. Ultimas voluntates, ut sunt testamentum, legatum, & donatio mortis causâ. Nam in illis conditiones impossibiles, vel turpes ex Juris dispositione habentur pro non adjectis, & dispositio testatoris manet absoluta, & valida, ex l. 1. 6. 9. & 14. ff. de condit. instit. & ex Instit. de hæred. Instit. Eò quod intentio disponentis non censeatur his conditionibus alligata. Quod etiam valet in foro interno saltem nisi constet de contraria voluntate disponentis: nam homo recte præsumitur voluisse validè, & secundum leges dispo-

Cc 2 nere

nere de rebus suis, nec voluisse mori intestatus, nec in re tanti momenti ludere, & jocari faciendo actum irritorum: & ideo merito censetur ex errore potius, quam joco talem conditionem adiecisse, putando esse possibilem, & honestam, eoque fuisse animo, ut si impossibilem, vel turpem esse sciret, eam non apponneret, aut saltem eam non exigeret, si alias dispositio esset nulla.

*Not.* In ultimis voluntatibus pro non adiecta etiam habetur haec conditio, si non nupserit. L. 100. ff. de condit. & demonst. Idque in favorem matrimonii, ut resp. augeatur. Sed postea Jure Codicis hoc restrictum est ad primas nuptias, ita ut in secundis haec conditio vim habeat, & si contrafasias, legatum amittas, authent. *Cui relictum*, Cod. de indictavit. Item haec conditio, si religionem non ingrediaris, etiam pro non adiecta habetur ex authent. de Sanct. Episcop. cap. 37. in favorem religionis, qui est status majoris perfectionis. Hinc si mulieri relicti sint mille aurei, si nupserit, ei tradi debent, licet religionem ingrediantur.

## CAPUT II.

*De consensu ad valorem contractus requisito.*

**Q. I.** *Quisnam, & qualis consensus requiritur ad valorem contractus?*

*Resp.*